

洞玄靈寶天尊說十戒經

天尊言 善男子 善女人 能發自然道意 來入法門 受我十戒
十四持身之品 則為大道清信弟子 皆以勇猛飛天齊功 於此時進
心不懈退者 即超凌三界 為上清真人

一者不殺 當念眾生

二者不得妄作邪念

三者不得取非義財

四者不欺 善惡反論

五者不醉 常思淨行

六者宗親和睦 無有非親

七者見人善事 心助歡喜

八者見人有憂 助威作福

九者彼來加我 志在不報

十者一切未得 我不有望

次說十四持身之品

與人君言則惠於國

與人父言則慈於子

洞玄靈寶天尊說十戒經

清微藏書閣

與人師言則愛於眾

與人臣言則忠於上

與人兄言則友於弟

與人子言則孝於親

與人友言則信於交

與人夫言則和於室

與人婦言則貞於夫

與人弟言則恭於禮

與野人言則勤於農

與賢人言則志於道

與異國人言則各守其域 與奴婢言則慎於事

天尊言曰 修奉清戒 每合天心 常行大慈 願為一切 普度厄世

謙謙尊教 不得中怠 寧守善而死 不為惡而生 於是不退 可

得拔度五道 不履三惡 諸天所護 萬神所敬 長齋奉戒 自得度

世 而為偈曰

一切修學人 誓願成真道 慈悲念戒文 道聲斷煩惱

洞玄靈寶天尊說十戒經

十戒經

此法實玄妙 免汝九祖役 是其人不受 令人與道隔

非人而取受 見世被者責 死墮三塗中 可切阻□益

大唐天寶十載 歲次辛卯正月乙酉朔廿六日庚戌 燉煌郡燉煌

縣玉關鄉豐義里開元觀男生清信弟子張玄誓 載廿七歲 但為肉人
無識 既受納於形 形染六情 六情一染 動之弊穢 或於所見
昧於所著 世務因緣 以次而發 招引罪垢 歷世你積 輪迴於三
界 漂浪而忘返 流轉於五道 長倫而不悟 伏聞天尊大聖演說十
戒 十四持身之品 依法脩行 可以超昇三界 位極上清 玄誓性
雖愚昧 願求奉受 謹詣三洞法師中岳先生馬 奉受十戒 十四持
身之品 脩行供養 永為身寶 懃盟負約 長夜地獄 不敢蒙原
前缺 自得度世

十戒經

大唐景龍三年 歲次己酉五月丁巳朔十八日甲戌 沙州燉煌縣
洪關鄉長沙里冲虛觀 女官清信弟子唐真 戒年十六歲 但為肉人
無識 既受納有形 形染六情一 六情一染 動之弊穢 或於所見
昧所於著 世務因緣 以次而發 招引罪垢 歷世彌積 輪迴於
三界 漂浪而忘返 流轉於五道 長淪而弗悟 伏聞天尊大聖演說
十戒 十四持身之品 依法脩行者可以超昇三界 一位極上清 真
戒性雖昧愚 願求奉受 謹責法信 謹詣北岳先生關 奉受十戒

洞玄靈寶天尊說十戒經

清微藏書閣

十四持身之品 脩行供養 永為身寶 懃盟負約 長幽地獄 不敢
蒙原

十戒經

太歲甲寅正月庚申朔廿二日辛巳 沙州燉煌縣龍勒鄉常安里
男官清信弟子李無上 年廿七歲 賚信如法 今詣沙州燉煌縣效穀
鄉無窮里三洞法師中岳先生張 求受十戒 十四持身之品 無上肉
人既受納有形 形染六情 六情一染 動之弊穢 或於所見 昧於
所著 世務因緣 以次而發 招引罪垢 歷世彌積 輪迴於三界
漂浪而返 流轉於五道 長倫而弗悟 輒依科賚信如法 求乞奉受
脩行供養 永為身寶 懃盟負約 長幽地獄 不敢蒙原
(前缺) 自得度世

十戒經

至德二載 歲次丁酉五月戊申朔十四日辛酉 燉煌郡燉煌懸平
康鄉洪文里 男生善信弟子王玉真 載十六歲 賚信如法 今詣燉
煌郡燉煌縣平康鄉安昌里三洞法師中岳先生索 求受十戒 十四持
身之品 玉真肉人既受納有形 形染六情 六情一染 動之弊穢

或於所見 昧於所著 世務因緣 以次而發 招引罪垢 歷世彌積
輪迴於三界 漂浪而忘返 流轉於五道 長淪而弗悟 輒依玄科
賚信如法 求乞奉受 脩行供養 永為身寶 懃盟負約 長幽地
獄 不敢蒙原

十戒經 十戒經盟文 貞松堂藏本

太歲甲寅正月庚申朔廿二日辛巳 沙州燉煌縣洪池鄉神農里
女官清信弟子陰志清 年十一歲 賚信如法 今詣沙州燉煌縣效穀
鄉無窮里三洞法師中岳先生張 求受十戒 十四持身之品 志清肉
人既受納有形 形染六情 六情一染 動之弊穢 戒於所見 昧於
所著 世務因緣 以次而發 招引罪垢 歷世彌積 輪迴於三界
漂浪而忘返 流轉於五道 長淪而弗悟 輒依玄科 賚信如法 求
乞奉受 脩行供養 永為身寶 懃盟負約 長幽地獄 不敢蒙原

十戒經盟文

大唐景雲二年 太歲辛亥八月生三月景午朔廿四日己巳 雍州
礫湯縣龍泉鄉淳臺里 □□清信弟子景仙 年廿七 景仙肉人無識
受納有形 形染六情 六情一染 動之弊穢 或於所見 昧於所

洞玄靈寶天尊說十戒經

清微藏書閣

著 世務因緣 以次而發 招引罪垢 歷世彌積 輪迴於三界 漂
浪而忘返 流轉於五道 長淪而弗悟 伏聞天尊大聖演說十戒 十
四持身之品 依法脩行 行者可以超昇三界 位極上清 景仙雖昧
願求奉受 謹責信如法 詣雍州長安縣懷陰鄉東明觀里中三洞法
師中岳先生張 受十戒 十四持身之品 脩行供養 永為身寶 懃
盟負約 長幽地獄 不敢蒙原

洞玄靈寶天尊說十戒經竟

天運辛卯年戌月正一天師清微弟子洪鼎堅羅大英恭錄彙編

吳洪憑複校